

BILBAO KIROLAK - O.A.L. ERAKUNDEAREN  
2018KO AURREKONTUEN KARGURA EMANGO  
DIREN DIRU-LAGUNTZAK JASOTZEKO DEIALDIA  
(2. LERROA)

<b>2. LERROA: BILBOKO UDAL BARRUTIAN PARTE HARTZEKO KIROL PROGRAMAK EGITEKO DIRU-LAGUNTZAK</b>
--

Diru-laguntzen lerro honetara bideratutako diru-kopurua: **16.000 euro**.

### **1. XEDEA.**

Laguntza ekonomikoak emango dira 2018. urtean edo 2017-2018ko denboraldian, Bilboko udal-barrutian kirol programak garatzeko, programa horiek bidea ematen badute guztiok parte hartzeko moduko kirol bat egiteko, eta kirola era osasungarrian, atseginean, integratzailean eta etengabe egiteko.

### **2. DIRU LAGUNTZEN ZENBATEKOA.**

Aurreko idatz-zatian aipatutako programa diruz laguntzeko, diru-kopuru hau bideratuko da: **16.000 euro**. Dena dela, kopuru hori handitu ahal izango da, etorkizunean aurrekontuan egon litezkeen baliabideen arabera.

### **3. ONURADUNAK.**

1. Laguntza ekonomiko hauek eskatu ahal izango dituzte Bilboko udal-barrutian kirol programa bat egiten duten kirol elkarteek, klubek eta erakundeek.
2. Diru-laguntza honetatik kanpo utziko dira eskola-kontseiluak eta ikasleen gurasoen elkarteak, horien eskaerak udal-hezkuntzaren esparrutik bideratuko baitira.
3. Diru-laguntza honetatik kanpo utziko dira Bilboko Udaleko Espazio Publikoko Bulegoaren baimena ez daukaten jarduerak.
4. Diru-laguntzak edo laguntza publikoak lortzeko aukera galarazten dion administrazio-zehapena edo zehapen penala jaso duen pertsona juridikoa eta, orobat, lege-debekuren bat dela medio horretarako ezgaituta dagoen pertsona juridikoa ezin izango da deialdi honetara aurkeztu, zehapenak finkatutako denboraldian. Hemen, barne hartuko dira sexuagatiko bereizkeriaren ondorio diren zehapenak, Emakumeen eta Gizonen arteko Berdintasunerako otsailaren 18ko 4/2005 Legeak Azken Xedapenetatik Seigarrenean xedatu duenarekin bat etorrita.

### **4. ESKAERAK AURKEZTEA.**

Deialdiari buruzko informazio guztia ikus daiteke Bilbao Kirolak erakundearen webgunean ([www.bilbaokirolak.com](http://www.bilbaokirolak.com)).

Laguntza hauek eskatu nahi dituzten pertsona juridikoek ondoko agiriak aurkeztu beharko dituzte Bilbao Kirolak erakundearen Erregistroan –hau da, Bilboko Nafarra kaleko 5. Zenbakiko laugarren solairuan dagoen izen bereko bulegoan– ahal dela hobe posta elektronikoz helbide honetara: [promocion@kirolak.bilbao.eus](mailto:promocion@kirolak.bilbao.eus) eta 30/92 Legeak 38.4 artikuluan ezarritako eran aurkeztu ahal izango dituzte: honako agiri hauek:

1. Diru-laguntzaren eskaera-orria, eredu ofizialaren arabera behar bezala beteta (1. ERANSKINA).
2. IFKren fotokopia.
3. Zerga-betebeharrak egunean dituela egiaztatzen duen agiria, eskumena duen zerga-arloko administrazioak uneko urtean egindakoa.
4. Gizarte Segurantzarekiko betebeharrak egunean dituela edo erakundeak bere kargura langilerik ez duela egiaztatzen duen agiria, Gizarte Segurantzaren Diruzaintza Orokorra uneko urtean egindakoa.

Diru-laguntzen eskaerak ezin daitezke inoiz izan diruz laguntzeko kontzeptu bategatik eman daitekeen gehienezko kopurukoak baino handiagoak.

## **5. ESKAERA EPEA.**

Eskabideak aurkezteko epea **BAOn iragarkia argitaratzen den biharamunean hasita 20 egun naturalekoa izango da.**

## **6. AURKEZTUTAKO ESKAERAK DITUEN AKATSAK ZUZENTZEA.**

Eskaerak jaso ondoren, horiek behar bezala bete ez badira edo behar diren agiriekin batera aurkeztu ez badira, Bilbao Kirolak erakundeak eskaera aurkeztu duen pertsona juridikoari eskatuko dio akatsa zuzen dezan edo beharrezkoak diren agiriak aurkez ditzan, eskakizun horren agiria jaso eta hurrengo hamar egun baldiodunen barruan. Era berean, aditzera emango dio, epe horretan akatsa zuzentzen ez badu edo aurkeztu beharreko agiriak aurkezten ez baditu, eskaera bertan behera utzi duela joko dela, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legeak -4/1999 Legeak aldatutakoak - 71. 1 artikuluan ezarritakoari jarraiki, eta, betiere, 30/1992 Legeak 42. artikuluan aipatutako eran ebazpena eman ondoren

## **7. BALORAZIOA EGITEKO IRIZPIDEAK.**

Honako proiektu hauek ez dira onartuko:

1. Bilbao Kirolak erakundeak dituen ildo estrategikoekin bat ez datozen proiektuak.
2. Koherenteak ez diren proiektuak, alegia, eskatutako programaren eta finkatutako helburuen artean zuzeneko harremanik ez dutenak.

3. Teknikoki edo ekonomikoki bideragarriak ez diren proiektuak, hau da, lortu nahi diren helburuak lortuko dituztela behar bezala bermatzen ez dutenak.

Onartzen diren eskaera guztiei ondoko irizpideak aplikatuko zaizkie, eta gehienez 100 puntu jaso ahal izango dituzte:

1. Programaren eragina (gehienez 60 puntu): Bilbao Kirolak erakundearen ildo estrategikoekin duen bateragarritasuna, parte-hartzaileen kopurua, ikusleen kopurua, berrikuntza, programaren iraupena, programa zein talderi zuzentzen zaion, programa sendotzea (betiere, programa lehenago garatu baldin bada), beste pertsona fisikoekiko eta juridikoekiko lankidetzak, Bilbao Kirolak erakundearen harpidedunentzako deskontuak, opariak edo doaneko jarduerak, komunikabideetan izandako oihartzuna, parte-hartzaileen kirol maila, probaren maila.
2. Aurrekontuaren egokitzapena (gehienez 10 puntu): programak duen interesaren eta aurkeztu den aurrekontuaren artean dagoen harremana, bestelako finantziatutako iturriak lortzea, eskatzaileak bereak diren giza baliabideak eta baliabide materialak jartzea.
3. Programaren diseinuak duen kalitatea (gehienez 10 puntu): lortu nahi ziren emaitzak sartzeko, helburuak betetzeko mailaren eta ebaluazioaren adierazleak, barneko komunikazioa, teknologia berrien erabilpena, programa betearaztea sustatzen duten arazoak.
4. Programan euskara, genero-aldeko berdintasuna eta kultura artekotasuna bezalako zeharkako gaiak duten tratamendua (gehienez 10 puntu): euskaraz osorik garatuko diren programak, genero-ikuspegia programan sartzeko, sexista ez den hizkera erabiltzea, eta kultura-arteko ikuspegia kontuan hartzea.
5. Eskaera egiten duen pertsona juridikoaren balorazioa (gehienez 10 puntu): egiaztatutako esperientzia, programa garatzeko duen ahalmena, parte-hartzea bultzatzen duen egitura, bazkideak, sarean parte hartzea, antzinakotasuna.

## **8. DIRU-LAGUNTZA EMATEKO PROZEDURA.**

Diru-laguntzak banatuko dira aurkeztu diren eskaerak alderatuta; hain zuzen, alderatu ondoren lehentasunezko hurrenkera bat jartzeko eskaerei dagokienez. Eskatutako zenbatekoak ezingo du muga gainditu. Hori aurreko puntuan aipatutako irizpideekin bat etorriko da. Puntuaziorik handienak lortzen dituztenei emango zaizkie diru-laguntzak oinarri hauetan ezarritako diru-dotazioa inoiz gainditu gabe (norgehiagoka).

Emango den diru-laguntzaren zenbatekoa zehazteko, programa bakoitzeko lortu den puntuazioaren arabera ehunekoak aplikatuko da, honako taularen arabera:

100 puntu.	Eskatutako zenbatekoaren %100.
90 puntu.	Eskatutako zenbatekoaren %90.
80 puntu.	Eskatutako zenbatekoaren %80.

Eta horrela gainerakoetan ere, puntuazioaren eta diruz lagundu beharreko ehunekoaren arteko korrelazioa mantenduz.

Laguntzak puntuazioaren arabera emango dira, kontuan izanik, alde batetik, aurrekontuan sartutako zenbatekoa, eta, bestetik, eskatutako zenbatekoa.

Aurrekontuan jasotako zenbateko ekonomikoa ez balitz nahikoa izango lortutako puntuazioaren arabera eskatutako gehienezko zenbateko bidez erantzuteko, hainbanaketa gauzatuko da.

**Diru-laguntza emateko gehienezko muga ezarri da: 1.000 €**

## **9. EBAZPENAK.**

1. Bilbao Kirolak erakundeko buruak emango du eskaerei buruzko ebazpena, onetsitako diru-laguntza aintzat hartuta, eta dagozkien agiriekin batera jasotako eskaerak kontuan izanik.
2. Kide anitzeko organo batek diru-laguntza emateko proposamena egingo dio Bilbao Kirolak erakundeko buruari, Bilbao Kirolak S.A.n kirol alorrean eskumena duen Sailaren zuzendari kargua betetzen duen pertsona. Bilbao Kirolak TEAren Gerentziak eta Bilbao Kirolak S.A.ren Kirol Ataleko Zuzendaritza duen pertsonak osatuko dute organo kolegiatua.
3. Ebazpena, gehienez, sei hilabeteko epean eman behar da, espedientea izapidetzeko behar diren agiri guztiak aurkezten diren egunetik zenbatzen hasita. Aurkeztutako eskaera guztiei buruz esanbidezko ebazpena emateko dagoen betebeharrari kalterik egin gabe, ebazpena emateko eta jakinarazpena egiteko epea amaitzen bada eta, hala ere, ebazpena esanbidez eman ez bada, eskaera administrazioaren isiltasunaren bidez ezetsi dela joko da.
4. Erakunde berberak ezingo du 3 diru-laguntza baino gehiago jaso.
5. Urtea amaitu aurretik, Bilbao Kirolak erakundeak emandako diru-laguntza guztiak argitaratuko ditu bai Bizkaiko Aldizkari Ofizialean, bai webgunean.

## 10. JAKINARAZPENA.

Jakinarazpena azaroaren 26ko 30/1992 Legeak -urtarrilaren 13ko 4/1999 Legeak aldarazi zuenak- 58. eta 59. artikuluetan adierazitako moduan egin beharko da.

## 11. DIRU-LAGUNTZA ORDAINTZEA ETA JUSTIFIKATZEA.

1. Emandako diru-laguntza ordainketa bakar batean egingo da, finantzatuko den kopuruaren berri ematen duen jakinarazpena bidali ondoren. Eskaeran agertzen den pertsonaren edo entitatearen kontu korrontera egindako transferentzia bidez ordainduko da diru-laguntza.
2. Diru-laguntza justifikatu aurretik ordaintzen bada, emandako diru-laguntza guztiaren diru-kopurua inolako bermerik eskatu gabe ordainduko da, diru-laguntzari dagozkion jarduketak egin ahal izateko finantziazio gisa.
3. Diru-laguntza jaso behar duen pertsonak edo entitateak baldin badu aurreko diru-laguntzaren bat justifikatu gabe hori egiteko epea iraganda, orduan ez da ordainduko diru-laguntza berria. Beste alde batetik diru-laguntza jaso behar duen pertsonari edo entitateari aurreko diru-laguntzaren bati dagokion kopuru bat itzultzeko eskatu bazaio eta ez badu itzuli, orduan ere ez da diru-laguntza berriaren ordainketa burutuko.
4. Diru-laguntza jasotzeko aurkeztutako aurrekontuaren %100 justifikatu beharko da eta ez bakarrik Bilbao Kirolak erakundeak emandako diru-kopurua. Hori 38/2003 Legearekin bat etorrira eta Ordenantza orokorra, Bilboko Udalak eta Udalaren zuzenbide publickoko erakunde eta entitateek deialdi bidezko diru laguntzak emateko oinarriak arautzen dituena. (2016-07-20ko BAOn 138. Zenbakia argitaratua)
5. Diruz lagundutako jarduera behin amaituta, programa bakoitzean egindako gastuaren kontu justifikagarria aurkeztu beharko du diru-laguntzaren onuraduna den pertsonak edo entitateak, honako hauen bidez:
  - a. Diruz lagundutako programaren txostena.
  - b. Programaren informazioko eta publizitateko material guztien jatorrizko ale bana.
  - c. Programako jardueren argazkiak, euskarri elektronikoan.
  - d. Programako sarreren eta gastuen balantze ekonomikoa.

- e. Gutxienez, diruz lagundutako jardueraren aurrekontuaren baliokidea den gutxieneko gastua programa burutzeko aurreikusitako epean egin dela egiaztatzen duten jatorrizko agiriak. Bilbao Kirolak erakundeak diruz laguntzen dituen gastuei dagokienez, jatorrizko agiriak eta haien fotokopiak aurkeztu beharko dira, era horretan, konpultsatu ahal izateko.

Gastua justifikatzen duten agiriak gutxienez datu hauek jasoko dituzte:

- 1) Onuradunaren identifikazioa.
  - 2) Gastua ekarri duenaren azalpena. Diruz lagundutako jarduerarekin zerikusizuzena eduki beharko du horrek.
6. Agiri horiek aurkezteko epea hiru hilabetekoa izango da, diru-laguntza eman dela dioen jakinarazpena jasotzen den egunetik zenbatzen hasita, ordurako programa buruturik baldin badago. Aitzitik, jakinarazpena jasotzen denean programa artean amaituta ez badago, agiriak aurkezteko epea hiru hilabetekoa izango da, programa bukatzen den egunetik zenbatzen hasita. Agiriak epe hauetan ez badira aurkezten, ez aurkeztutzat joko dira.
  7. Dokumentazioa jaso ondoren, horiek behar bezala bete ez badira edo behar diren agiriekin batera aurkeztu ez badira, Bilbao Kirolak erakundeak eskaera aurkeztu duen pertsona juridikoari eskatuko dio akatsa zuzen dezan edo beharrezkoak diren agiriak aurkez ditzan, eskakizun horren agiria jaso eta hurrengo hamar egun baliadunen barruan. Era berean, aditzera emango dio, epe horretan akatsa zuzentzen ez badu edo aurkeztu beharreko agiriak aurkezten ez baditu, eskaera bertan behera utzi duela joko dela, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legeak -4/1999 Legeak aldatutakoak- 71. 1 artikuluan ezarritakoari jarraiki, eta, betiere, 30/1992 Legeak 42. artikuluan aipatutako eran ebazpena eman ondoren.
  8. Diru-laguntzak jasotzeko, justifikazioaz gain, onuradunaren betebeharra izango da: helburua betetzea, proiektua gauzatzea, jarduera burutzea edota diru-laguntza jasotzea oinarritzen duen jokabidez jardutea. Era berean, aldaketaren bat gertatuz gero, horren berri aurretiaz eman beharko zaio Bilbao Kirolak erakundeari.
  9. Justifikatu beharra ez betetzeak edo nahikoa ez den moduan justifikatu izanak jasotako diru-kopuruak atzera itzultzea ekarriko du. Diru-kopuruei berandutze-interesak gainerako zaizkie, Diru-laguntzei buruzko Lege Orokorraren 37. artikuluan azaldu bezala.

## **12. DIRU-LAGUNTZAK ALDATZEA.**

Diru-laguntza emateko kontuan hartu diren baldintzetako bat aldatzen bada, baina hala ere diru-laguntzaren helburua eta xedea bete direla jotzen bada, orduan, diru-laguntza eman duen ebazpena ere aldatu ahal izango da.

### **13. DIRUZ LAGUNDUTAKO PROGRAMAREN JARRAIPENA.**

Bilbao Kirolak erakundeak egoki iruditzen zaizkion egiaztapenak egin ahal izango ditu emandako diru-laguntzaren inguruan, eta eskura izango ditu diruz lagundutako programari buruzko agiri guztiak.

### **14. DATUEN BABESA.**

1. Izaera pertsonaleko datuak babesteko abenduaren 13ko 15/1999 Lege Organikoak ezarritakoaren arabera, interesdunak emandako datuak soilik erabili ahal izango dira dena delako prozeduran edo jardueran finkatutako helburuak betetzeko.
2. Hala, bada, datu horiek ezin izango dira inola ere tratatu eta ezin izango zaizkie hirugarren batzuei laga, tartean dagoen pertsonak horretarako berariazko baimenik ematen ez badu, ez eta izaera pertsonaleko datuak babesteko abenduaren 13ko 15/1999 Lege Organikoak 6.2 eta 11.2 artikuluetan finkatutako kasuetan ere (BOE, 298 zenbakia, 1999ko abenduaren 14a).
3. Aipatutako 15/1999 Lege Organiko horrek xedatutakoa betez, datuak lagatzen dituenak edozein unetan erabili ahal izango ditu datuak eskuratzeko, zuzentzeko, ezabatzeko eta aurkaratzeko eskubideak, arau bidez zehazten den eran.

### **15. DIRU-LAGUNTZAK ARGITARA EMATEA.**

1. Publizitatea in situ duten jardueretan, Bilbao Kirolak erakundeak publizitaterako izango duen espazioa, eskatutako diru-laguntza kopurutik eman zaionaren proportzio berekoa izango da.
2. Bilbao Kirolak erakundeak eskatutako diru-laguntzaren %75 baino gehiago finantzatzen badu, "Bilbao Kirolak" izena gehitu ahal izango dio jardueraren izenari.
3. Bilbao Kirolak erakundearen logotipoa agertzen den material orotan, "babesle nagusia" hitzak agertu beharko dira, diru-laguntzak eskatzeko aurkeztutako aurrekontuan babesle nagusia dela adierazten denean.
4. Diru-laguntza jasotzen duten pertsona juridiko guztiek finantziario horren berri eman beharko dute jendaurrean, eta Bilbao Kirolak erakundearen logotipoa sartu beharko dute diruz lagundutako programak sorrarazten dituen informazioko eta publizitateko material inprimatuetan, artxibo elektronikoetan eta ikus-entzunezkoetan.
5. Horretarako, Bilbao Kirolak erakundeak bere logotipoa emango die berau eskatzen duten pertsona juridikoei.

6. Idatziz jakinaraziko da programaren prentsaurrekoaren eguna, ordua eta lekua. Gutunarekin batera, Bilbao Kirolak erakundearen Administrazio Batzordearen presidenteari jardueran parte-hartzeko gonbidapena bidaliko zaio.
7. Aurreko atalen bat betetzen ez bada, kirol elkarteak diru-laguntzaren %100 itzultzeko aukera egon daiteke.
8. Era berean, hizkuntza ofizial biak, euskara eta gaztelania, erabili beharko dira publizitatea egiteko prestatutako karteletan, testuetan eta agirietan. Era berean, gauza bera egin behar da diruz lagundutako jardueraren zabalkundeari lotuta jendaurreko agerraldiak egitean, baita megafoniaz botatako mezuetan ere. Horietan guztietan, hizkuntza biak erabiliko dira hurrenkera honetan: lehenengo euskara eta gero gaztelania.

#### AURKEZTU BEHARREKO AGIRIAK

1. Diru-laguntzaren eskaera-orria, eredu ofizialaren arabera behar bezala beteta (1. ERANSKINA).
2. Eskaera aurkezten duen pertsona fisikoaren NANaren fotokopia.
3. Diru-laguntza eskatzen duen pertsona juridikoaren IFKren fotokopia.
4. Zerga-betebeharrak egunean dituela egiaztatzen duen agiria, eskumena duen zerga-arloko administrazioak uneko urtean egindakoa.
5. Gizarte Segurantzarekiko betebeharrak egunean dituela edo erakundeak bere kargura langilerik ez duela egiaztatzen duen agiria, Gizarte Segurantzaren Diruzaintza Orokorrak uneko urtean egindakoa.

**1. ERANSKINA**

**DIRU-LAGUNTZAK ESKATZEA. 2. Lerroa**

**ESKAERA AURKEZTEN DUEN PERTSONA FISIKOA**

**Izena eta bi abizenak:**

**NAN:**

**Posta-helbidea:**

**Herria:**

**Posta-kodea:**

**Sakelako telefonoa:**

**Telefonoa:**

**Posta elektronikoa:**

**Ordezkatzen duzun pertsona juridikoaren kargua:**

**ORDEZKATZEN DUZUN PERTSONA JURIDIKOA.**

**Izena:**

**IFK:**

**Posta-helbidea:**

**Herria:**

**Posta-kodea:**

**Telefonoa:**

**Posta elektronikoa:**

**Web orria:**



## BALDINTZA OROKORRAK

- **Bilbao Kirolak erakundearen ildo estrategikoak:**

Jarduera fisikoa eta kirol-jarduera areagotu eta sustatzea:

Herritarrek bizimodu aktiboa, osasuntsua eta ohitura osasungarrietan oinarritutakoa izan dezaten sustatzea.

Kirola egin dadin laguntzea, zenbait arloan:

- Kirol federatua.
- Eskola kirola.
- Kirol egokitua.
- Herri kirolak.
- Emakumezkoen kirola sustatzea.
- Zahartze aktiboa sustatzea.
- Belaunaldien arteko jarduerak sustatzea.

Hiria hobetzera bideratutako kirol-politikarako oinarriak finkatzea, kirola modu aktiboan kudeatuta, gizarte kohesiorako, hiriaren proiektiorako eta beste hainbat alorretarako tresna gisa duen indarra aprobetxatuz.

- Diruz lagundutako erakundeek konpromisoa hartuko dute emakumeen eta gizonen berdintasun eraginkorraren alde egiteko, eta modu aktiboan sustatuko dute emakumeen parte-hartzea. Era berean, hizkuntza ez-sexista erabiltzen dela zaindu beharko dute, hala idatziz nola ahoz, eta elementu bisualak bi sexuekin errespetuzkoak direla ere zaindu beharko dute.
- Modu berean, jardueretan EAEko bi hizkuntza ofizialak erabiltzen direla zainduko dute.
- Kontuan hartuta gizarteak kirolaren esparruari esleitzen dizkion balioak, diruz lagundutako erakundeek kirola balioen eskola gisa eskaintzen lagunduko dute, hainbat jokabide eta trebetasun erabilita: talde-lana, esfortzuaren kultura, elkartasuna, arauetiko errespetua, osasunaren zaintza arduratsua, etab.

## XEDAPEN GEHIGARRIA

Lerro bakoitzeko eskaerak ebatzi ostean, aurrekontu-kreditua agortu ez bada, hala badagokio, beste lerro batzuetako eskaerei erantzuteko erabili ahal izango da eskuragarri dagoen zenbatekoa.

Erakundeko Presidentetzari ahalmena ematen zaio diru-laguntza hau betearazteko, ulertzeko eta garatzeko beharrezkoak diren xedapen guztiak eman ditzan, eta, orobat, araudi honetan egon litezkeen hutsuneak eta akatsak zuzendu eta bete ditzan.

**AZKEN XEDAPENAK.**

**LEHENENGOA.-** Deialdi honetan berariaz aurreikusi ez den guztiari dagokionez, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legea -urtarrilaren 13ko 4/1999 Legeak egindako aldaketekin- aplikatuko da.

**BIGARRENA.-** Diru-laguntza honek Bizkaiko Aldizkari Ofizial laburpenean argitaratu eta biharamunetik aurrera izango ditu ondorioak.

**HIRUGARRENA.-** Oinarri hauek administrazio-bidea agortuko dute.

Onetsitako oinarrien aurka Administrazioarekiko auzi-errekurtsoa jarri ahal izango da, Administrazioarekiko Auzien Bilboko Epaitegian, bi hilabeteko epean, oinarri hauek Bizkaiko Aldizkari Ofizialean argitaratzen diren egunetik zenbatzen hasita.

Bestalde, aukeran, berraztertze errekurtsoa jarri ahal izango zaio Bilbao Kirolak erakundearen Zuzendaritza Kontseiluari, hilabeteko epean, oinarriak Bizkaiko Aldizkari Ofizialean argitaratzen diren egunetik zenbatzen hasita.